

阿毗達磨集異門足論卷第三 同三

尊者舍利子說三藏法師玄奘奉詔譯

二法品第三之餘

於斷不遮止者如有一類為斷不善法為圓滿善法勇猛精進熾然愛樂勤修不息作是念言云何令我速疾證得如理善法彼於如

是勇猛精進熾然愛樂勤修習時未能證得如理善法便作是念如世尊說無處無容善男子等勤修正行而不證得如理善法由我所修正行未滿是故未證如理善法我所修斷定應不空不虛有果有利有義有味有益由彼於斷知有勝利不生猒患誹謗毀訾是名於斷不遮止復有一類為斷不善法為圓滿善法勇猛精進熾然愛樂勤修不息作是念言云何令我速疾證得如理善法彼於如是勇猛精進熾然愛樂勤修習時未能證得如理善法或雖證得而不知便作是念如世尊說無處無容善男子等勤修正行而不

證得如理善法由我所修正行未滿是故未證如理善法我所修斷定應不空不虛有果有利有義有味有益由彼於斷知有勝利不生猒患誹謗毀訾是名於斷不遮止復有一類為斷不善法為圓滿善法勇猛精進熾然愛樂勤修不息作是念言云何令我速疾證

得如理善法彼於如是勇猛精進熾然愛樂勤修習時遂能證得如理善法便作是念我所修斷決定不空不虛有果有利有義有味有益由彼於斷知有勝利不生猒患誹謗毀訾是名於斷不遮止
復有二法謂奢摩他毗鉢舍那者奢摩他云何答善心一境性是謂奢摩他毗鉢舍那云何答奢摩他相應於法簡擇極簡擇最極簡擇解了等了近了編了機點通達審察聰睿覺明慧行毗鉢舍那是謂毗鉢舍那如世尊說非有定無慧 非有慧無定 要有定有慧方證於涅槃

非有定無慧者謂若有如是類慧則有獲得如是類定若無如是類慧則無獲得如是類定故說非有定無慧非有慧無定者謂若有慧是定所生以定為集是定種類由定而發若有如是類定則有獲得如是類慧若無如是類定則無獲得如是類慧故說非有慧無

同三

二

定要有定有慧方證於涅槃者愛盡離滅名曰涅槃要具定慧方能證得若隨闕一必不能證由此因緣故作是說要有定有慧方證於涅槃復次或有補特伽羅得內心止不得增上慧法觀或有補特伽羅得增上慧法觀不得內心止或有補特伽羅不得內心止亦不得增上慧法觀或有補特伽羅得內心止亦得增上慧法觀何等補特伽羅得內心止不得增上慧法觀若若補特伽羅得世間四靜慮不得出世聖慧何等補特伽羅得增上慧法觀不得內心止若若補特伽羅得出世聖慧不得世間四靜慮何等補特伽羅不得

內心止亦不得增上慧法觀若若補特伽羅不得世間四靜慮亦不得出世聖慧何等補特伽羅得內心止亦得增上慧法觀若若補特伽羅得世間四靜慮亦得出世聖慧如說世間四靜慮相應心住等住近住安住不散不亂攝止等持心一境性者此顯內心止如

說出世聖慧所攝於法簡擇性簡擇最極簡擇解了等了近了徧了機點通達審察聰敏覺明慧行毗鉢舍那者此顯增上慧法觀是名奢摩他毗鉢舍那

復有二法謂明解脫者明云何若無學三明何等為三一者無學宿住隨念智作證明二

同三

三

者無學死生智作證明三者無學漏盡智作證明是謂明解脫云何若三種解脫何等為三一者心解脫二者慧解脫三者無為解脫心解脫者謂無貪善根相應心已勝解當勝解今勝解是名心解脫慧解脫者謂無癡善根相應心已勝解當勝解今勝解是名慧解

脫無為解脫者謂擇滅是名無為解脫此中心解脫或學或非學或非學非無學云何學答學無貪善根相應心已勝解當勝解今勝解是謂學云何無學答無學無貪善根相應心已勝解當勝解今勝解是謂無學云何非學非無學答有漏無貪善根相應心已勝解當勝解今勝解是謂非學非無學慧解脫或學或非學或非學非無學云何學答學無癡善根相應心已勝解當勝解今勝解是謂學云何無學答無學無癡善根相應心已勝解當勝解今勝解是謂無學云何非學非無學答有漏無癡善根相應心已勝解當勝解今勝解是謂非學非無學無為解脫唯非學非無學是名明解脫

當知我已斷集不復當斷我已證滅不復當證我已修道不復當修此所從生智見明覺解慧光觀是名無生智復次若如實知已盡欲漏有漏無明漏是名盡智若如實知所盡三漏不復當生是無生智復次若如實知已盡一切結縛隨眠隨煩惱纏是名盡智若如實知所盡一切結縛隨眠隨煩惱纏不復當起是名無生智

集異門足論三法品第四之一

時舍利子復告眾言具壽當知佛於三法自善通達現等覺已為諸弟子宣說開示我等今應和合結集佛滅度後勿有乖諍當令隨

月三 四

願梵行法律久住利樂無量有情哀愍世間諸天人眾令獲殊勝義利安樂三法云何此中有五喞陀南頌初喞陀南曰

初三法有十 謂根尋行界 前三各有二後一有四種

有三不善根三善根三不善尋三善尋三惡

行三妙行欲恚害三界出離無恚無害三界
欲色無色三界色無色滅三界

三不善根者謂貪不善根瞋不善根癡不善
根貪不善根者貪云何答謂於欲境諸貪等
貪執藏防護堅著愛樂迷悶耽嗜徧耽嗜內
縛欲求耽湏苦集貪類貪生摠名爲貪不善

根云何答謂此貪法是不善性能爲無量不
善法根是故此法能爲病根癡根箭根惱根
苦根穢根濁根諸雜染根不清淨根不鮮白
根是故名爲貪不善根瞋不善根者瞋云何
答謂於有情欲爲損害內懷栽杌欲爲擾惱
已瞋當瞋現瞋樂爲過患極爲過患意極忿

恚於諸有情各相違突欲爲過患已爲過患
當爲過患現爲過患摠名爲瞋不善根云何
答謂此瞋法是不善性能爲無量不善法根
是故此法能爲病根癡根箭根惱根苦根穢
根濁根諸雜染根不清淨根不鮮白根是故
名爲瞋不善根癡不善根者癡云何答謂於

同三

五

前際無知後際無知前後際無知於內無知
外無知內外無知於業無知異熟無知業異
熟無知於善作業無知惡作業無知善惡作
業無知於因無知因所生法無知於佛無知
法無知僧無知於苦無知集無知滅無知道
無知於善法無知不善法無知於有罪法無

知無罪法無知於應修法無知不應修法無
知於下劣法無知勝妙法無知於黑法無知
白法無知於有敵對法無知於緣生法無知
於六觸處如實無知如是無知無見非現觀
黑闇愚癡無明盲冥罽網纏裹頑駃渾濁障
蓋發盲發無明發無智滅勝慧障礙善品令
不涅槃無明漏無明暴流無明軛無明毒根
無明毒莖無明毒枝無明毒葉無明毒花無
明毒果癡等癡極癡狼等狼極狼癡類癡生
狼類狼生摠名爲癡不善根云何答謂此癡
法是不善性能爲無量不善法根是故此法
能爲病根癡根箭根惱根苦根穢根濁根諸

雜染根不清淨根不鮮白根是故名為癡不善根如世尊說

諸惡貪瞋癡 惱害自心者 如樹心有蝎皮果等皆衰

三善根者謂無貪善根無瞋善根無癡善根無貪善根者無貪云何答謂於欲境諸不貪

不等貪不執藏不防護不堅著不愛不樂不迷不悶不耽嗜不徧耽嗜不內縛不欲不求

不耽酒非苦集非貪類非貪生摠名無貪善根云何答謂無貪法是善性能為無量善法

根是故此法能為無病根無癱根無箭根無穢根無濁根不雜染根清淨根鮮白根是故

名為無貪善根無瞋善根者無瞋云何答謂於有情不欲損害不懷栽柢不欲擾惱非已

瞋非當瞋非現瞋不樂為過患不極為過患意不憤恚於諸有情不相違戾不欲為過患

非已為過患非當為過患非現為過患摠名無瞋善根云何答謂無瞋法是善性能為無

同三

六

量善法根是故此法能為無病根無癱根無

箭根無穢根無濁根不雜染根清淨根鮮白

根是故名為無瞋善根無癡善根者無癡云

何答謂知前際智後際智前後際智知內智

外智內外智知業智異熟智業異熟智知善

作業智惡作業智善惡作業智知因智因所

生法智知佛智法智僧智知苦智集智滅智

道智知善法智不善法智知有罪法智無罪

法智知應修法智不應修法智知下劣法智

勝妙法智知黑法智白法智知有敵對法智

知緣生法智知六觸處如實智如是智見明

覺解慧光觀摠名無癡善根云何答謂無癡

法是善性能為無量善法根是故此法能為

無病根無癱根無箭根無穢根無濁根不雜

染根清淨根鮮白根是故名為無癡善根如

世尊說

若離貪瞋癡 說名為智者 亦名名上士

不惱害自心 是故應遠離 貪瞋及無明

勤修起慧明 速得衆苦盡

三不善尋者謂欲尋恚尋害尋欲尋云何若欲貪相應諸心尋求徧尋求近尋求心顯了極顯了現前顯了推度構畫思惟分別揔名欲尋恚尋云何若瞋相應諸心尋求徧尋求近尋求心顯了極顯了現前顯了推度構畫

同三

七

思惟分別揔名恚尋害尋云何若害相應諸心尋求徧尋求近尋求心顯了極顯了現前顯了推度構畫思惟分別揔名害尋如世尊說惡尋伏衆生 令於穢見淨 倍增長貪愛自爲堅固縛

三善尋者謂出離尋無恚尋無害尋出離尋云何若於諸欲尋思惟過患謂此欲尋是不善法諸下賤者信解受持一切如來及諸弟子賢貴善士共所訶厭能爲自害能爲他害能爲俱害能滅智慧能礙彼品能障涅槃受持此法不生通慧不引菩提不證涅槃如是思惟諸欲尋過患時諸心尋求徧尋求近尋

求心顯了極顯了現前顯了推度構畫思惟分別名出離尋復次爲斷欲尋於出離尋思惟功德謂出離尋是勝善法是尊勝者信解受持一切如來及諸弟子賢貴善士共所稱讚不爲自害不爲他害不爲俱害不滅智慧不礙彼品不障涅槃受持此法能生通慧能引菩提能證涅槃如是思惟出離尋功德時諸心尋求乃至分別名出離尋復次思惟欲尋如病如癩如箭惱害無常苦空非我轉動勞倦羸篤是尖壞法迅速不停衰朽非恒不可保信是變壞法如是思惟諸欲尋時諸心尋求乃至分別名出離尋復次爲斷欲尋思惟彼滅是真寂靜思惟彼道是真出離如是思惟彼滅道時諸心尋求乃至分別名出離尋復次思惟捨心定及道捨心定相應無想定滅定擇滅如是思惟時諸心尋求乃至分別名出離尋復次思惟出離及出離相應受想行識及彼等起身語業心不相應行時諸

心尋求乃至分別名出離尋無志尋云何答
 於諸志尋思惟過患謂此志尋是不善法諸
 下賤者信解受持一切如來及諸弟子賢貴
 善士共所呵厭能為自害能為他害能為俱
 害能滅智慧能礙彼品能障涅槃受持此法
 不生通慧不引菩提不證涅槃如是思惟諸

同三

八

志尋過患時諸心尋求徧尋求近尋求心顯
 了極顯了現前顯了推度構畫思惟分別名
 無志尋復次為斷志尋於無志尋思惟功德
 謂無志尋是勝善法是尊勝者信解受持一
 切如來及諸弟子賢貴善士共所稱讚不為
 自害不為他害不為俱害不滅智慧不礙彼

品不障涅槃受持此法能生通慧能引菩提
 能證涅槃如是思惟無志尋功德時諸心尋
 求乃至分別名無志尋復次思惟志尋如病
 如癱如箭惱害無常苦空非我轉動勞倦羸
 篤是失壞法迅速不停衰朽非恒不可保信
 是變壞法如是思惟諸志尋時諸心尋求乃

至分別名無志尋復次為斷志尋思惟彼滅
 是真寂靜思惟彼道是真出離如是思惟彼
 滅道時諸心尋求乃至分別名無志尋復次
 思惟慈心定及道慈心定相應無想定滅定
 擇滅如是思惟時諸心尋求乃至分別名無
 志尋復次思惟無志及無志相應受想行識

及彼等起身語業心不相應行時諸心尋求
 乃至分別名無志尋無害尋云何答於諸害
 尋思惟過患謂此害尋是不善法諸下賤者
 信解受持一切如來及諸弟子賢貴善士共
 所呵厭能為自害能為他害能為俱害能滅
 智慧能礙彼品能障涅槃受持此法不生通

同三

九

慧不引菩提不證涅槃如是思惟諸害尋過
 患時諸心尋求徧尋求近尋求心顯了極顯
 了現前顯了推度構畫思惟分別名無害尋
 復次為斷害尋於無害尋思惟功德謂無害
 尋是勝善法是尊勝者信解受持一切如來
 及諸弟子賢貴善士共所稱讚不為自害不

爲他害不爲俱害不滅智慧不礙彼品不障
涅槃受持此法能生通慧能引菩提能證涅槃
如是思惟無害尋功德時諸心尋求乃至
分別名無害尋復次思惟害尋如病如癱如
箭惱害無常苦空非我轉動勞倦羸篤是失
壞法迅速不停衰朽非恒不可保信是變壞

法如是思惟諸害尋時諸心尋求乃至分別
名無害尋復次爲斷害尋思惟彼滅是真寂
靜思惟彼道是真出離如是思惟彼滅道時
諸心尋求乃至分別名無害尋復次思惟悲
心定及道悲心定相應無想定滅定擇滅如
是思惟時諸心尋求乃至分別名無害尋復
次思惟無害及無害相應受想行識及彼等
起身語業心不相應行時諸心尋求乃至分
別名無害尋如世尊說
樂滅諸惡尋 勤修不淨觀 常念斷貪愛
能壞堅固縛
三惡行者謂身惡行語惡行意惡行身惡行

云何答斷生命不與取欲邪行復次斷生命
不與取非梵行復次諸所有不善身業諸所
有非理所引身業諸所有身業能障礙定摠
名身惡行語惡行云何答虛誑語離間語鹿
惡語雜穢語復次諸所有不善語業語所有
非理所引語業諸所有語業能障礙定摠名

語惡行意惡行云何答貪欲瞋恚邪見復次
諸所有不善意業諸所有非理所引意業諸
所有有意業能障礙定摠名意惡行如世尊說
若造身惡行 語意惡行已 不修對治者
當墮於地獄

三妙行者謂身妙行語妙行意妙行身妙行

同三

十

云何答離斷生命離不與取離欲邪行復次
離斷生命離不與取離非梵行復次諸學身
業諸無學身業諸善非學非無學身業摠名
身妙行語妙行云何答離虛誑語離離間語
離鹿惡語離雜穢語復次諸學語業諸無學
語業諸善非學非無學語業摠名語妙行意

妙行云何答無貪無瞋正見復次諸學意業諸無學意業諸善非學非無學意業摠名意妙行如世尊說

若修身妙行 語意妙行已 無餘緣礙者

當生天受樂

欲界恚界害界及出離界無恚界無害界如

法蘊論說欲界色界無色界亦如法蘊論說

如世尊說

諸有能徧知 欲色無色界 起一切依故

當觸無餘依 身證甘露界 無漏不思議

世尊說涅槃 為饒益含識

色界無色界滅界亦如法蘊論說如世尊說

住色界有情 及住無色界 不證知滅故

定當往後有 若徧知色界 不住於無色

趣向究竟滅 彼解脫生死

第二盟陀南曰

二三法有十 世言依處行 心數趣上座

聚舉不護三

同三

土

有三世三言依三色處三行三心三補特伽羅三上座三聚三舉罪事三不護

三世者謂過去世未來世現在世過去世云何答諸行已起已等起已生已等生已轉已現轉已聚集已出現落謝過去盡滅離變過去世性過去類過去世攝是謂過去世未來世

云何答諸行未已起未已等起未已生未已等生未已轉未已現轉未聚集未出現未來性未來類未來世攝是謂未來世現在世云何答諸行已起已等起已生已等生已轉已現轉聚集出現住未已謝未已盡滅未已離變和合現前現在性現在類現在世攝是謂

現在世間世是何義答世是顯示諸行增語三言依者謂過去言依未來言依現在言依過去言依者云何過去云何言云何依而說過去言依耶答諸行已起已等起已生已等生已轉已現轉已聚集已出現落謝過去盡滅離變過去性過去類過去世攝是謂過去

即依如是過去諸行所起語言唱詞評論呼
召宣說顯示教誨語路語音語業語表是謂
言即前所說過去諸行亦名爲依是言因本
眼路緣起無間引發能作生緣集等起故依
過去行起諸言說故過去諸行名過去言依
未來言依者云何未來云何言云何依而說
未來言依耶答諸行未已起未已等起未已
生未已等生未已轉未已現轉未聚集未出
現未來性未來類未來世攝是謂未來即依
如是未來諸行所起論言唱詞評論呼召宣
說顯示教誨語路語音語業語表是謂言即
前所說未來諸行亦名爲依是言因本眼路
緣起無間引發能作生緣集等起故依未來
行起諸言說故未來諸行名未來言依現在
言依者云何現在云何言云何依而說現在
言依耶答諸行已起已等起已生已等生已
轉已現轉聚集出現任未已謝未已盡滅未
已離變和合現前現在性現在類現在世攝

同三

上

是謂現在即依如是現在諸行所起語言唱
詞評論呼召宣說顯示教論語路語音語業
語表是謂言即前所說現在諸行亦名爲依
是言因本眼路緣起無間引發能作生緣集
等起故依現在行起諸言說故現在諸行名
現在言依無第四第五者依有爲說謂有爲
法唯有三種更無第四第五可得有說此依
一切法說諸無爲法即是現在言依攝故更
無第四第五可得如世尊說
樂言想有情 恒依言想住 未徧知言想
趣生死無窮 若徧知言想 於他無所悅
亦不樂他說 常欣修靜慮 寂定勤精進
見生死盡邊 摧伏諸魔軍 至生死彼岸
三色處者謂有二處攝一切色何等爲三一
者有色有見有對二者有色無見有對三者
有色無見無對云何有見有對色答一處云
何無見有對色答九處云何無見無對色答
一處少分

三行者謂身行語行意行身行云何答身亦
 名身行身業亦名身行入息出息亦名身行
 於此義中意說入息出息身行所以者何入
 息者呼吸外風令入身內出息者引發內風
 令出身外由此勢力令身動轉通暢安隱故
 入出息說為身行語行云何答語亦名語行

同五

十一末

語業亦名語行尋伺亦名語行於此義中意
 說尋伺語行所以者何要尋伺已能發語言
 非無尋伺是故尋伺說為語行意行云何答
 意亦名意行意業亦名意行想思亦名意行
 於此義中意說想思意行所以者何以想及
 思是心所法依止於心繫屬於心依心而轉

扶助於心是故想思說為意行

三心者一漏瘡喻心二電光喻心三金剛喻
 心漏瘡喻心云何答如世尊說苾芻當知世
 有一類補特伽羅稟性暴惡言喜麤穢少有
 觸惱便多憤恚結怨恨快語言凶勃如惡漏
 瘡纒被物觸便多流出膿血不止彼心亦尔

少遇違緣即便憤恚怨恨不息問何故彼心
 名漏瘡喻答彼心意識暫觸違緣便速發生
 種種穢惡是故名曰漏瘡喻心

說一切有部集異門足論卷第三 同三

耽惜視下音 耽酒下彌免反 栽杙下骨反 違戾下栗

帝單竹考 駮下語解 輒於華 蝎許 憤恚上
反單竹考 駮下語解 輒於華 蝎許 憤恚上
紆避反 搆畫上古候反 羸力垂 迅私 漏瘡房
上正 尋伺下相 鹿獢下俱 狠快上胡 漏瘡房
作瘻 尋伺下相 鹿獢下俱 狠快上胡 漏瘡房
勃下 沒反

阿毗達磨集異門足論卷第四 同四

尊者舍利子說三藏法師玄奘奉詔譯

三法品第四之二

電光喻心云何答如世尊說苾芻當知世有
 一類補特伽羅居阿練若或居樹下或住空
 閑精勤修習多修習故證得如是寂靜心定

一 禿